

# INDEKSI I ÇMIMEVE TË KONSUMIT


Mars 2026

Norma e inflacionit e matur me Indeksin e Çmimeve të Konsumit (IÇK) në muajin Mars 2026 ishte 2,6 për qind, nga 2,1 për qind në Mars 2025.

Krahasuar me muajin Shkurt 2026, çmimet e konsumit u rritën me 0,7 për qind.


Rritja vjetore e çmimeve në Mars 2026 u ndikua kryesisht nga grupi "Transporti" me 7,5 %, pasuar nga "Qira, ujë, energji elektrike, gaz dhe karburante të tjera" me 4,8 %, "Sigurime dhe shërbime financiare" me 4,5 %, "Argëtim, sport dhe kulturë" me 2,9 %, "Mobilje, pajisje shtëpie dhe mirëmbajtje e shtëpisë" me 2,6 %, "Restorante dhe shërbime akomodimi" me 2,4 %, "Pije alkoolike dhe duhan" dhe "Kujdesi personal dhe mallra e shërbime të ndryshme" me 2,0 % secili, "Shërbimi arsimor" me 1,9 %, "Ushqime dhe pije joalkoolike" me 1,3 %, etj.

**FIG. 1 NDRYSHIMET VJETORE TË INDEKSIT TË ÇMIMEVE TË KONSUMIT (%)**



Krahasuar me Shkurt 2026, rritja më e madhe e çmimeve vërehet në grupin "Transporti" me 7,1 %, pasuar nga "Ushqime dhe pije joalkoolike" me 0,7 %, "Mobilje, pajisje shtëpie dhe mirëmbajtje e shtëpisë" me 0,4 %, "Argëtim, sport dhe kulturë" me 0,3 %, "Shëndeti" dhe "Restorante dhe shërbime akomodimi" me 0,1 % secili. Nga ana tjetër, çmimet e grupit "Veshje dhe këpucë" u ulën me 0,3 %, pasuar nga grupet "Kujdesi personal dhe mallra e shërbime të ndryshme" me 0,2 % dhe "Qira, ujë, energji elektrike, gaz dhe karburante të tjera" me 0,1 %.

**FIG. 2 NDIKIMI I GRUPEVE NË NDRYSHIMIN VJETOR**



**Ndikimi i grupeve kryesore në ndryshimin vjetor**

Rritja vjetore e çmimeve në muajin Mars është ndikuar kryesisht nga grupi “Qira, ujë, energji elektrike, gaz dhe karburante të tjera” me +0,95 pikë përqindje, pasuar nga grupi “Transporti” me +0,48 pikë përqindje. Gjithashtu, çmimet e grupit “Ushqime dhe pije joalkoolike” me +0,44 pikë përqindje, çmimet e grupit “Mobilje, pajisje shtëpie dhe mirëmbajtje e shtëpisë” me + 0,18 pikë përqindje, çmimet e grupit “Restorante dhe shërbime akomodimi” ndikuan me +0,13 pikë përqindje, çmimet e grupit “Pije alkoolike dhe duhan” me +0,10 pikë përqindje, çmimet e grupit “Kujdesi personal dhe mallra e shërbime të ndryshme” me +0,08 pikë përqindje, çmimet e grupit “Sigurime dhe shërbime financiare” me +0,07 pikë përqindje, çmimet e grupeve “Argëtim, sport dhe kulturë” dhe “Shërbimi arsimor” me +0,06 pikë përqindje secili, çmimet e grupeve “Shëndeti” dhe “Informacioni dhe komunikimi” me +0,02 pikë përqindje secili.

TAB. 1 INDEKSIT TË ÇMIMEVE TË KONSUMIT

Kodi	Grupet	Peshat	03-26/Viti 2025	03-26/02-26	03-26/03-25
	<b>Gjithsej</b>	<b>100</b>	<b>102,6</b>	<b>0,7</b>	<b>2,6</b>
01.	Ushqime dhe pije joalkolike	34,1	103,0	0,7	1,3
02.	Pije alkolike dhe duhan	5,0	101,7	0,0	2,0
03.	Veshje dhe këpucë	3,8	99,9	-0,3	0,1
04.	Qira, ujë, energji elektrike, gaz dhe karburante të tjera	20,2	102,9	-0,1	4,8
05.	Mobilje, pajisje shtëpie dhe mirëmbajtje e shtëpisë	7,0	102,0	0,4	2,6
06.	Shëndeti	3,2	100,5	0,1	0,6
07.	Transporti	6,4	107,2	7,1	7,5
08.	Informacioni dhe komunikimi	3,6	100,4	0,0	0,6
09.	Argëtim, sport dhe kulturë	2,0	102,2	0,3	2,9
10.	Shërbimi arsimor	3,0	101,3	0,0	1,9
11.	Restorante dhe shërbime akomodimi	5,7	101,5	0,1	2,4
12.	Sigurime dhe shërbime financiare	1,5	104,4	0,0	4,5
13.	Kujdes personal dhe mallra e shërbime të ndryshme	4,5	101,5	-0,2	2,0

**Shënim për përdoruesit:**

Të dhënat e detajuara mujore dhe vjetore sipas grupeve janë të disponueshme në databazën statistikore të INSTAT: [Indeksi i Çmimeve të Konsumit](https://www.instat.gov.al/)

# Metodologjia

## Ndryshime metodologjike

Duke filluar nga Shkurt 2026, Indeksi i Çmimeve të Konsumit përlogaritet sipas klasifikimit ECOICOP 2018. Kalimi në klasifikimin e ri përfshin ristrukturimin e artikujve të shportës, riklasifikimin e disa produkteve. Struktura e ECOICOP ver. 2 përbëhet nga 13 divizione kryesore, të detajuara më tej në grupe, klasa dhe nënklasa. Implementimi i këtij klasifikimi është në përputhje me Rregulloren (BE) 2024/3159, duke siguruar harmonizimin e plotë me praktikat statistikore evropiane dhe ndërkombëtare.

Periudha e referencës së indeksit është ndryshuar nga Dhjetor 2020 = 100 në 2025 = 100.

Gjithashtu, në muajin Janar si çdo viti Indeksi i Çmimeve të Konsumit shoqërohet me disa ndryshime metodologjike sipas metodologjisë ndërkombëtare të llogaritjes së këtij treguesi, të cilat konsistojnë në:

- Përditësimin e peshave: Peshat e mallrave dhe shërbimeve janë ndryshuar duke u bazuar në shpenzimet mesatare të Anketës së Buxhetit të Familjeve 2024.
- Përditësimin e listës së mallrave dhe shërbimeve: Shporta përbëhet nga **411** produkte dhe shërbime.
- Përditësimin e listës së njësive tregtare ku mblidhen çmimet.

## Përkufizime

**Indeksi i Çmimeve të Konsumit (IÇK)** është matësi zyrtar i inflacionit në Shqipëri, Indeksi mat ndryshimet relative të çmimeve të mallrave dhe shërbimeve të përdorura nga familjet për konsum vetjak dhe llogaritet duke përdorur strukturën e konsumit final të familjeve shqiptare. Burimi kryesor i informacionit për shpenzimet është Anketa e Buxhetit të Familjeve.

**Ndryshimi vjetor** mat ndryshimin e indeksit të çmimeve midis muajit korrent me të njëjtin muaj të vitit të mëparshëm. Ky ndryshim është rrjedhojë e ndryshimeve korente në nivelin e çmimeve, por mund të ndikohet edhe nga efektet e papërsëritshme të cilitdo muaj.

**Ndryshimi mujor** mat ndryshimin e indeksit të çmimeve të muajit korrent me muajin e mëparshëm, Ky tregues është i ndjeshëm nga efektet sezonale.

**Ndryshimi mesatar 12 mujor** mat ndryshimin e indeksit mesatar të konsumit në 12 muajt e fundit me indeksin mesatar të 12 muajve të mëparshëm.